

COVID-19: Cabaran Mengajar KAFA Secara Online

Oleh Mohd Faris bin Jalaludin 1180220

REMBAU: Kelas Agama Fardu Ain atau lebih dikenali sebagai KAFA adalah kelas yang diadakan pada waktu petang khusus untuk murid darjah 1 hingga darjah 5. Apabila murid mencapai tahun terakhir KAFA, mereka akan dinilai dengan satu peperiksaan besar yang mempengaruhi pemilihan sekolah menengah yang akan mereka pilih iaitu peperiksaan Ujian Penilaian Kelas Kafa (UPKK).



Gambar 1 Encik Faizi sedang tekun menjalankan tanggungjawab sebagai seorang guru.

Namun sejak virus *COVID-19* melanda dunia, banyak memberi impak pada manusia dan negara. Begitu juga dengan kelas KAFA ini. Menurut salah seorang tenaga pengajar kelas KAFA, Mohd Faizi bin Jalaludin, 20, berkata banyak perubahan yang berlaku terutama sekali proses pembelajaran telah ditukar menjadi secara atas talian.

Menurut Jabatan Kemajuan Islam Malaysia (JAKIM) juga telah membuat keputusan untuk membatalkan peperiksaan bertulis Ujian Penilaian Kelas Kafa (UPKK) tahun ini.

Menteri di Jabatan Perdana Menteri (Hal Ehwal Agama), Datuk Dr Zulkifli Mohamad Al Bakri ketika mengumumkan perkara itu menjelaskan, keputusan itu bagi memastikan keselamatan dan

kesihatan murid terjamin.

Encik Faizi telah berpengalaman selama 1 tahun lebih dalam mengajar kelas KAFA ini di Sekolah Kebangsaan Bongek, Rembau, Negeri Sembilan. Beliau juga mengajar dalam mata pelajaran Sirah, Jawi, Al Quran dan Adab. Kelas KAFA bermula dari 2.30 p.m hingga 5.30 p.m.

Menurut Encik Faizi lagi, beliau banyak menggunakan aplikasi-aplikasi di telefon bimbit sepanjang pembelajaran secara atas talian ini. Diantaranya ialah menghantar kerja rumah menggunakan *group Whatsapp* dan untuk membuat kuiz beliau menggunakan *Quizizz* atau *Kahoot*.

“Mengajar secara atas talian ini sangat mencabar.” kata Encik Faizi. “Dari 30 orang murid hanya enam peratus sahaja yang menghantar kerja rumah.” Ujarnya lagi.

Ini berpunca dari sikap murid yang mengambil *enteng* dalam membuat kerja rumah jika tidak dipantau secara bersemuka.

Selain itu, capaian internet yang lemah juga menjadi cabaran utama dalam pembelajaran secara atas talian. Apabila hendak menghantar tugas kepada anak murid talian akan terputus lebih-lebih lagi bila waktu hujan.

Encik Faizi dengan harapan agar semua anak didik di seluruh dunia supaya menimbulkan rasa hormat terhadap guru dan menunaikan tanggungjawab mereka dengan melakukan tugas untuk berjaya di masa akan datang.



Gambar 2 Diantara buku yang digunakan untuk Kelas Agama dan Fardu Ain (KAFA).